

politika

■ PSEren egoitzaren kontrako eraso leporatu diete Donostian atxilotutako lau gazteei → 9

gizartea

■ Hizkuntza Gutxituen Euroituna onartuko duela hitzeman du Jospinek → 11

■ Atzo zabaldu zuen ikasturtea Deustuko Unibertsitateak → 13


ekonomia

■ Lan istripuetan joan den urtean baino bederatzi lagun gehiago hil dira aurten EAEn → 17

kirola

■ Euroliga
Tau Baskoniak
Fenerbaahceren aurka
jokatuko du gaur
bigarren partidua → 27

kultura



■ Joxean Artzek poema liburu berri bat argitaratu du → 31

Lizarrako Akordioaren sinatzaileak bihar bilduko dira Donibane Garazin

Su-etenak ekarri dituen aldaketak eta jorratu beharreko bideak aztertuko dituzte

■ LIZARRAKO ADIERAZPENA sinatu zuten alderdiek bigarren bilera egingo dute bihar Donibane-Garazin. Nafarroako herri esanguratsu batetik Nafarroa Behereko hiriburura joko dute bihar Irlandako Foroko alderdiek, zeharka Frantziako Gobernuari keinua eginez. Bileran, gainera, hiru alderdi gehiago izango dira: Nafarroa-

ko IU, Jose Maria Gorordoren ICV eta EKA alderdi karlista. Ipar Euskal Herriatik Abertzaleen Batasuna da orain arte sinatzaile bakarra, baina begirale gisa beste erakunde batzuk ere izango dira bihar. ETaren su-etenaren ondoko aldaketak eta etorkizunean jorratu beharreko bideak aztertuko dituzte. Gaur bilduko dira Jose

Maria Aznar eta Joaquin Almunia ere, kontaktuen bigarren faseari ekiteko. Bigarren txandan «batasuna lortzea» izango da helburua, Mayorren arabera. Bestalde, Arzalluzek Espainiako Erregeak Italian eginiko adierazpenei erantzun zien atzo: haren hitzetan, «ahaztu egin zaio esatea Estatutua garatu gabe dagoela». → 5-7

THOMAS COEX / EPA



Schroederrek Frantziarekiko ardatza berritu du

■ GERHARD SCHROEDER Alemaniako Alderdi Sozialdemokratako kantziler hautatu berriak, ohitura zaharrei jarraiki, Frantziara egin zuen lehen bidaia ofiziala. Jacques Chirac Frantziako lehendakariarekin eta Lionel Jospin lehen ministroarekin bildu zen Schroeder. Bilera horietan Alemaniaren eta Frantziaren arteko ardatza

berritu eta hartu-emanak bultzatzeko premia azpimarratu zuen kantzilerrak. Europako Banku Zentralerako lehendakaritzarako lehiak bi herrien arteko harremana zaildu zuen, baina bisita horrek lasaitu egin ditu frantziarrak. Schroederrek, hala ere, iragarri du ardatzari beste norabide bat emateko asmoa duela.

→ 21

Korsika

Carlu Pieri atxilotu dute,
A Cuncolta alderdi
independentistako burua

*Poliziak armak eta lehergaiak izatea leporatu
dio, nahiz eta alderdiak gezurtatu*

→ 19

Ipar Irlanda

Armak uztea ez duela
baldintza gisa onartuko
esan dio Adamsek Blairri

■ GERRY ADAMS Sinn Feineko buruak argi esan zion Tony Blairri armak uztea ez dela baketze prozesuan baldintza gisa jasotzen. Biek bilera izan zuten, eta onartu zuten oztopo nagusia alderdi unionistak armak uzteko egiten ari den eskakizuna dela. → 22

barkatu, ama

Antzerkia

→ Hainbat gaztek antzerkiaren munduan izan duten esperientzia azaldu dute, moxorroa kenduta